



# BAPTIST CHURCH OF MIZORAM

Headquarters : Serkawn, P.O.Zotlang, Lunglei District, Mizoram.  
Regn.Under the Societies Act 1960-SR. No. 1 of 1800-1881 Dt. 1.3.1980 at Aizawl  
Web site: <http://www.mizobaptist.org> E.mail: [generalsecretary@mizobaptist.org](mailto:generalsecretary@mizobaptist.org)  
**Ph.0372-2342250 Fax-0372-2342623**

*Motto : "Gospel For All"*

---

## PATHIAN MIROPUI Rev. Dr. C.L. Rema kan then ta

Pathian rawngbawltu ropui leh Mizoram leh India ram tana mi tangkai leh thawhhlawk em em, Rev. Dr. CL Rema'n August 3, 2016-a Ropuina ram min pan san ta hi, Mizoram Baptist Kohhran chuan a uiin channa nasa takah a ngai a. Kohhran pumpuiin a sun takzet a ni.

Rev. Dr. CL Rema hi IAS Officer a nihna angin India Sorkar hna zahawm leh sang tak tak a chelh lai pawhin Pathian leh A Kohhran tana mi tangkai leh inpe em em a ni a. Chu chu duhtawk mai lovin Full Time-a LALPA rawng bawl turin a hna zahawm tak bansanin North Bank Baptist –ah hotu chan changin hun rei tak rawng a bawl a. Chumi hnu-ah Good News Society dinin Mizoram Baptist Kohhran te nen India hmar chhak-a Muslim te leh Assamese te zingah kum 2011 atangin rawngbawl hna kan thawk ho a. Vawiin thlengin he Mission hi hlawhtling takin a la kal mek a, Thlaraubo tam tak Lal Isua hnenah hruai thlenin an awm reng a ni.


Amah mai pawh ni lovin, rawngbawl naah hian a fate - Rev. Dr. Rothangliani chu BWA-ah Hotu pawimawh te zingah tel theiin rawngbawl na kawngah leh BWA nena kan indawrtawna-ah te Mizoram Baptist Kohhran tana mi tangkai leh pawimawh tak a ni bawk a, tin, Dr. Lalnunthangi pawh Living Words Communicator hotu niin, he mission nen pawh hian partnership Agreement neiin rawng kan bawl ho mek bawk. Amah Dr.Lalnunthangi ngei pawh hi kan recognized Missionary ni lai mek a ni.

Rev. Dr. CL Rema leh a chungte nena kawng hrang hranga Pathian rawng kan bawlho naah hian lawmthu kan sawi a, rawngbawlho zel kan la duh laiin Lalpan a hnena chawl turin a lo hruai ta zawk a ni. Lalpa rawng a lo bawl tawhna zawng zawngah Pathian hmingin lawmthu kan sawi a, a mission pawh hi kan theih ang chin china chhonzawm zel pawh kan kan rilru-ah chuan a awm a ni.

A kalsan tak, a chungte zawng zawng leh a rawngbawlpui zawng zawngte Lalpa'n thlamuanin awmpui zel rawh se tih hi kan tawngtaina a ni.

*'A Mithianglimte thihna chu Lalpa ngaih chuan hlu tak a ni' (Sam 116:15)*

Mizoram Baptist Kohhran aiawhin

  
(REV.F.RAMDINMAWIA)  
General Secretary,  
Baptist Church of Mizoram